



Broj: 02-05-19678-1.1/12
Sarajevo, 07.06.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **73.** sjednici održanoj **07.06.2012.** godine, donijela je sljedeći

ZAKLJUČAK

1. Utvrđuje se Prijedlog odluke o davanju saglasnosti na Odluku o zaduženju kod UniCredit Bank d. d. Mostar za kredite u iznosu od 11.000.000,00 KM.
2. Predlaže se Skupštini Kantona Sarajevo da, u skladu sa Poslovníkom Skupštine Kantona Sarajevo, donese odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo finansija
5. Evidencija
6. A r h i v a



web: <http://vlada.ks.gov.ba>
e-mail: premijer@ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Broj: 02-05-19678-1.2/12
Sarajevo, 07.06.2012. godine

Na osnovu čl. 21. st. (4) i (5) i 23. Zakona o dugu, zaduživanju i garancijama u Federaciji BiH („Službene novine FBiH“, br: 86/07, 24/09 i 44/10), i čl. 22. i 24. stav (2) Zakona o Vladi Kantona Sarajevo („Službene novine Kantona Sarajevo“, broj: 24/03 - Prečišćen tekst), Vlada Kantona Sarajevo, na **73.** sjednici održanoj **07.06.2012.** godine, donijela je

O D L U K U
o zaduženju kod UniCredit Bank d. d. Mostar
za kredite u iznosu od 11.000.000,00 KM

I

Kanton Sarajevo (u daljem tekstu: Kanton) zadužuje se kod UniCredit Bank d.d. Mostar (u daljem tekstu: Banka) za kredite u iznosu od 11.000.000,00 KM, i to za:

LOT I – 6.000.000,00 KM – UniCredit Bank d. d. Mostar
LOT II – 5.000.000,00 KM – UniCredit Bank d. d. Mostar

II

Kreditna sredstva iz tačke I. ove odluke namijenjena su za finansiranje kapitalnih projekata, a prema članu 5. Budžeta Kantona Sarajevo za 2012. godinu.

III

Kreditna sredstva Banka odobrava pod sljedećim uvjetima:

- iznos kredita.....11.000.000,00 KM (6.000.000,00 KM +5.000.000,00 KM)
- rok otplate.....7 godina
- grace period.....3 godine (uključen u rok otplate)
- kamatna stopa.....za LOT I – 5,68% na godišnjem nivou
za LOT II – 5,71% na godišnjem nivou
- provizija Banke, po LOT-u.....1.000,00 KM jednokratno, unaprijed

IV

Ugovore o kreditu između Kantona i Banke, kao i instrumente osiguranja kredita koji proizilaze iz Ugovora, potpisat će Premijer Kantona Sarajevo.

V

Kanton će izdati bjanko ovjerene i potpisane mjenice sa ovlaštenjem za popunu kao instrument obezbjeđenja kredita, a u skladu sa ugovorima iz tačke IV ove odluke.

VI

Tehnički dio projekata, koji će se finansirati iz ovih kredita, realizovat će resorna ministarstva Kantona čiji će se projekti finansirati iz kredita.

VII

Za implementaciju projekata i praćenje realizacije ove odluke zadužuju se resorna ministarstva i Ministarstvo finansija, svako u okviru svoje nadležnosti, sa obavezom polugodišnjeg izvještavanja Vlade i Skupštine Kantona o realizaciji kredita.

VIII

Ova odluka stupa na snagu nakon davanja saglasnosti Skupštine Kantona Sarajevo, a objavit će se u „Službenim novinama Kantona Sarajevo“.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Vlade Kantona Sarajevo
4. Ministarstvo za boračka pitanja
5. Ministarstvo saobraćaja
6. Ministarstvo prostornog uređenja i zaštite okoliša
7. Ministarstvo za obrazovanje, nauku i mlade
8. Za objavu u „Službenim novinama Kantona Sarajevo“
9. Evidencija
10. A r h i v a

**Bosna i Hercegovina
Federacija Bosne i Hercegovine
KANTON SARAJEVO
VLADA**

O D L U K A

**o davanju saglasnosti na Odluku o zaduženju kod UniCredit bank d.d. Mostar za kredite u iznosu od 11.000.000,00 KM
(Prijedlog)**

Juni 2012 godine

Na osnovu čl. 18. tačka b) i čl. 38 stav (1) Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 04/01, 28/04, i 31/04), čl. 46. Zakona o budžetima u FBiH („Službene novine FBiH“, br. 19/06, 76/08, 5/09, 32/09, 9/10, 36/10 i 45/10), čl. 21. st. (3) Zakona o dugu, zaduživanju i garancijama u Federaciji Bosne i Hercegovine („Službene novine FBiH“, br. 8/07, 24/09 i 44/10) i Poglavlja II Procedura zaduživanja Kantona Sarajevo na osnovu vanjskog i unutrašnje duga i izdavanja garancija („Službene novine Kantona Sarajevo“, broj 10/11) Skupština Kantona Sarajevo, na ___sjednici održanoj _____ 2012. godine, donijela je

O D L U K U

o davanju saglasnosti na Odluku o zaduženju kod UniCredit bank d.d. Mostar za kredite u iznosu od 11.000.000,00 KM

I

Daje se saglasnost na Odluku o zaduženju kod UniCredit bank d.d. Mostar za kredite u iznosu od 11.000.000,00 (LOT I – 6.000.000,00 KM i LOT II – 5.000.000,00 KM) broj: 02-05-
od _____ 2012. godine, koju je donijela Vlada Kantona Sarajevo.

II

Ova odluka stupa na snagu narednog dana od dana objave u „Službenim novinama Kantona Sarajevo“.

Broj: 01- /12,
Sarajevo, 2012.godine

**Predsjedavajuća
Skupštine Kantona Sarajevo
Prof. dr. Mirjana Malić**

O b r a z l o ž e n j e

Pravni osnov

Pravni osnov za donošenje ove odluke sadržan je u članu 18. tačka b) Ustava Kantona Sarajevo kojim je utvrđeno da Skupština Kantona donosi zakone i druge propise u okviru izvršavanja nadležnosti Kantona i čl. 38. stav (1) Ustava Kantona Sarajevo kojim je Skupštini Kantona dato u nadležnost da se finansiranje funkcija Kantona, između ostalog, može vršiti na osnovu zaduživanja kod banaka i drugih finansijskih organizacija, kao i članu 46. Zakona o budžetima u Federaciji BiH kojim je utvrđeno da se kanton može zaduživati ukoliko Skupština Kantona odobri zaduženje, odnosno izda garanciju. Članom 21. stav (3) Zakona o dugu, zaduživanju i garancijama u FBiH utvrđeno je da Skupština Kantona odobrava unutrašnje zaduženje za kapitalnu investiciju. Poglavljem II Procedura zaduživanja Kantona Sarajevo na osnovu unutrašnjeg i vanjskog duga i izdavanja garancija, kojim je utvrđeno da Vlada donosi odluku o unutrašnjem zaduživanju, i dostavlja je Skupštini Kantona na davanje saglasnosti.

Razlozi za donošenje

Prijedlog odluke o unutrašnjem zaduženju zasniva se na članu 1. Budžeta Kantona Sarajevo za 2012. godinu, kojim je utvrđeno da se dugoročnim kreditima kod domaćih banaka u iznosu od 26.000.000,00 KM obezbijedi finansiranje kapitalnih projekata od značaja za Kanton i člana 5. kojim su raspoređena kreditna sredstva na kapitalne projekte koji će se tim sredstvima finansirati.

Obzirom da se radi o velikom iznosu kreditnih sredstava, koje niti jedna banka samostalno ne može obezbijediti, Vlada Kantona donijela je Odluku broj: 02-05-7100-32/12 od 22.03. 2012. godine, da se provede otvoreni postupak javne nabavke usluga dugoročnog kreditnog zaduženja do 26.000.000,00 KM. Nakon provedenog postupka javne nabavke, otvorenog za međunarodnu konkurenciju, izvršen je odabir najpovoljnijeg ponuđača, te Odlukom Ministra finansija broj: 08-01-14-7648-A/12 od 22.05.2012. godine, za LOT I dodijeljen ugovor za kredit u iznosu od 6.000.000,00 KM (šestmiliona konvertibilnih maraka), kao najuspješnijem ponuđaču, UniCredit bank d.d. Mostar. Odlukom Ministra finansija broj: 08-01-14-7648-B/12 od 22.05.2012. godine, za LOT II dodijeljen je ugovor za kredit u iznosu od 5.000.000,00 KM (petmiliona konvertibilnih maraka) kao najuspješnijem ponuđaču, UniCredit bank d.d. Mostar.

U toku je tenderska procedura javne nabavke za kredit u iznosu od 8.000.000,00 KM. Pošto ne podliježe postupku javne nabavke, kredit u iznosu od 7.000.000,00 KM u toku je odobravanje kod Razvojne banke FBiH.

Dugoročne kredite UniCredit bank d.d. Mostar, daje pod sljedećim uslovima:

- Ukupan iznos kredita 11.000.000,00 KM (6.000.000,00 KM + 5.000.000,00 KM),
- rok otplate 7 godina,
- grace period 3 godine (uključen u rok otplate),
- kamatna stopa za LOT I 5,68 % na godišnjem nivou,
za LOT II 5,71 % na godišnjem nivou,
- provizija Banke, po LOT-u 1.000,00 KM jednokratno, unaprijed.

Kreditnim sredstvima LOT-a I i LOT-a II UniCredit bank finansirat će se sljedeći projekti iz člana 5. Budžeta 2012. godine:

Sub- analitika

Za plaćanje glavnice, kamate i drugih troškova bit će obezbjeđena sredstva u Budžetu Kantona Sarajevo za svaku odgovarajuću godinu tokom otplate kredita.

U skladu sa Zakonom o dugu, zaduživanju i garancijama u FBiH i Procedurama zaduživanja Kantona Sarajevo na osnovu unutrašnjeg i vanjskog duga i izdavanja garancija, Vlada Kantona Sarajevo donijela je Odluku o zaduženju. Odluka Skupštine Kantona Sarajevo o davanju saglasnosti na Odluku o zaduženju, je uslov za potpisivanje ugovora o kreditu.

Ispred Kantona Sarajevo ugovore i mjenice (kao instrument obezbjeđenja redovne otplate kredita), potpisati će Premijer Vlade Kantona Sarajevo

Za tehničku realizaciju projekata iz ovog kredita zadužuju se resorna ministarstva čiji će se projekti finansirati, a za implementaciju i realizaciju ove odluke zadužuju se resorna ministarstva i Ministarstvo finansija, svako u okviru svoje nadležnosti.

U vrijeme otplate ovih kredita, iznos za servisiranje duga za ukupan unutrašnji i vanjski dug Kantona Sarajevo, neće preći limit određen članom 7. Zakona o dugu, zaduživanju i davanju garancija u FBiH (u 2013. 8,19%, u 2014. 9,70%, u 2015. 9,91%, u 2016. 6,45%, u 2017. 6,74%, u 2018. 6,09% i u 2019.).